

中學國文補充讀本

第一集

左國選讀

中冊

張寄岫選輯

主編者

王雲五 丁穀音 張寄岫

商務印書館發行

中學國文補充讀本

第一集

左國選讀

中冊

張寄岫選輯

主編者

王雲五 丁穀香 張寄岫

商務印書館發行

左國選讀

國語選讀

周語

穆王將征犬戎

穆王^①將征犬戎，^②祭公謀父^③諫曰：「不可，先生耀德不觀兵。」^④夫兵戢而時動，動則威；^⑤觀則玩，玩則無震。^⑥是故周文公之頌曰：^⑦「載戢干戈，載櫜弓矢，^⑧我求懿德，肆于時夏，^⑨允王保之。」^⑩先王之於民也，懋^⑪正其德，而厚其性；^⑫阜其財求，^⑬而利其器用。^⑭明利害之鄉，^⑮以文^⑯修之；使務利而避害，懷德而畏威，故能保^⑰世以滋^⑱大。

①穆王名滿，昭王之子，康王之孫。

②征者，正也，上討下之稱。犬戎即猷夷，一作昆夷，在今陝西鳳翔

縣北。

③祭，去聲（出，所）父，上聲（口，父）祭國名，謀父字也，爲王卿士。今河南開封縣東北有祭

伯城。

④耀明也，觀示也。明德，尙道化也。不示兵者，有大罪惡，然後致誅，不以小小示威武也。

⑤戰

聚也。威畏也。時動，因時而動。

⑥玩，讀也。震懼也。

⑦周文公周公旦之諡。頌，時邁之詩也；武王克商，

周公爲作此詩，巡守告祭之樂歌也。

⑧載，則也。干楯也。

⑨戈形似戟，直刃旁有小刃，橫出平向者，鑿音

高（《玄》）韜也。言天下已定，聚斂其干戈，韜藏其弓矢，示不復用也。

⑩懿，美也。肆，陳也。時是也。夏

大也。言武王常求美德，故陳其功，示於是夏而歌之。樂章大者曰夏。

⑪允，信也。信武王能保此時夏

之美也。

⑫懋，勉也。

⑬性，情性也。

⑭阜，大也。大其財求，不障壅也。

⑮器，兵甲也。用耒耜之屬。

⑯鄉，去聲（丁，一，九）方也，示之以好惡也。

⑰文，謂禮法也。

⑱保守也。

⑲滋，益也。

昔我先王世后稷，①以服事虞夏。②及夏之衰也，棄稷不務，③我先王不窋，

用失其官^④而自竄于戎狄之間^⑤不敢怠業^⑥時序其德纂修其緒^⑦修其訓典^⑧朝夕恪勤守以敦篤奉以忠信奔世載德不忝前人^⑨至于武王^⑩昭前之光明而加之以慈和事神保^⑪民莫弗欣喜商王帝辛^⑫大惡於民^⑬庶民不忍^⑭欣戴武王^⑮以致戎于商牧^⑯是先王非務武也勤恤民隱而除其害也^⑰

①后君也稷田正也父子相繼曰世謂棄與不窋也。（按萬歷閔氏本儲本此句皆作『昔我先世后稷』非是今依明道本多一『王』字。） ②謂棄爲舜稷官其子不窋。——窋音緇（ㄓㄨˋ）。

爲夏稷官也。 ③謂夏帝太康廢棄稷官不務農事也。 ④太康廢稷官故不窋因之亦失其官職也。

⑤竄音串（ㄘㄨㄢˋ）匿也。不窋失官乃歸處於郃。郃在今陝西武功縣南古戎狄地故云。 ⑥謂

猶不敢懈怠其事業也。 ⑦纂繼也緒事也。 ⑧訓教也典法也修其教訓法制也。 ⑨奔世累世也。

載成也忝辱也。 ⑩武王文王子名發。 ⑪保養也。 ⑫商王紂帝乙之子名辛。 ⑬惡音汙（ㄨˋ）

去聲大惡于民謂大爲衆民所惡也。 ⑭忍耐也不忍謂庶民不復能耐紂之暴虐也。 ⑮戴奉也歎

欣奉戴武王也。④戎兵戎也。商牧商郊牧野也。今河南汲縣是其地。⑤恤憂也。隱痛也。言先王非專務武事，在憂恤民之痛苦，而爲之除害也。

夫先王之制：邦內甸服，①邦外侯服，②侯衛賓服，③夷蠻要服，④戎狄荒服；
⑤甸服者祭，⑥侯服者祀，⑦賓服者享，⑧要服者貢，⑨荒服者王；⑩日祭，⑪月祀，
⑫時享，⑬歲貢，⑭終王；⑮先王之訓也。有不祭則修意，⑯有不祀則修言，⑰有不
享則修文，⑱有不貢則修名，⑲有不王則修德，⑳序成而有不至則修刑。㉑於是
乎有刑不祭，伐不祀，征不享，讓⑳不貢，告不王。㉒於是乎有刑罰之辟，㉓有攻伐
之兵，㉔有征討之備，㉕有威讓之令，㉖有文告之辭。㉗布令陳辭而又不至，則增
修於德，而無勤民於遠。㉘是以近無不聽，遠無不服。今自大畢伯仕㉙之終㉚也，
犬戎氏以其職來王。㉛天子曰：「予必以不享征之，且觀之兵。」㉜其無乃廢先
王之訓，而王幾頓㉝乎！吾聞夫犬戎樹惇，㉞帥舊德而守終純固，㉟其有以禦㊱

我矣。』王不聽，遂征之，得四白狼四白鹿以歸。⑤自是荒服者不至。⑥

○邦ハ內ノ天子邦畿之內，千里之地也。詩商頌曰：『邦畿千里，維民所止。』甸ノ音殿（カ一マ）王田也。

書禹貢曰：『五百里甸服。』——規方千里之內，謂之甸服，爲天子服治田，去王城面五百里。——服

其職業也。○邦畿之外五百里，曰侯服。書禹貢曰：『五百里侯服。』侯，候也；主爲斥候，而服事天

子也。○此總言之也。侯侯圻也。——圻，音祈（ク一）界也。——衛衛圻，言自侯圻甸圻男圻采圻

以至衛圻，凡五圻。圻各五百里，共二千五百里，皆中國之界也，謂之賓服。以其常以服貢賓見於王也。

④蠻蠻圻，夷夷圻也。蠻圻在衛圻之外，去王城三千五百里，九州之界也。夷圻去王城四千里，謂之

要服。要者，要結好信，而服從也。要，音邀，平聲。（按：各本多作蠻夷要服，今依明道本作夷蠻。）⑤戎

狄去王城四千五百里，至五千里也。四千五百里爲鎮圻，五千里爲蕃圻。在九州之外，荒裔之地，與戎

狄同俗，故謂之荒。荒忽無常之言也。⑥祭供日祭也。⑦祀供月祀也。⑧享供時享也；享，獻也。周

禮：『甸圻二歲而見，男圻三歲而見，采圻四歲而見，衛圻五歲而見，其見也，必以所貢助祭於廟。』即

孝經所謂，四海之內，各以其職來祭者也。

④貢供歲貢也。要服六歲而一見也。

⑤王王事天子也。

周禮：『九州之外，謂之蕃國，世一見，各以其所貴寶爲贄。』

——贄，音至（虫）——詩云：『自彼氐

光——氐，音抵（夕一），光，音槍（夕一）——皆西戎種名。——莫敢不來享，莫敢不來王。』

⑥日

祭祭於祖考，謂上食也。

⑦月祀於曾高也。

⑧時享於二祧也。

——祧，音挑（去一），諸侯以始

祖之廟爲祧。

⑨歲貢於墳壇也。

——壇，音善（尸），墳壇，祭場也。

⑩終，謂終世，朝嗣王及卽位

而來見。

⑪意志意也，謂邦國之內，有違闕不供日祭者，先修志意以自責也。圻內近，知王意也。

⑫

言謂號令也。

⑬文，謂典法也。

⑭名，謂尊卑職貢之名號也。

⑮遠人不服，則修文德以來之也。

⑯序成，謂上五者次序已成，而有不至，則有刑誅也。

⑰讓，音壤（日九），去聲，譴責也。

⑱謂以文

辭告曉之也。地遠者罪輕。

⑲刑其不祭也。

⑳伐其不祀也。

㉑征其不享也。

㉒讓其不貢也。

㉓告其不王也。

㉔勤勞也，無煩勞民於遠也。

㉕大畢伯仕，犬戎氏之二君也。

㉖終卒也。

㉗以

其職，謂其嗣子以其貴寶來見王也。

㉘享賓服之禮，以責犬戎，而示之兵法也。

㉙幾危也。傾敗也。

㉚樹立也。言犬戎立性惇樸也。或曰：『樹惇，犬戎王名。』

㉛帥，音率（尸×正），入聲，循也。純專

也。固一也，言犬戎循先王之舊德，天性專一也。

●禦猶距也。

●白狼白鹿犬戎所貢也。

●穆王

責犬戎以非禮，暴兵露師，傷威毀信，故荒服者不至也。

厲王虐國人謗王

厲王○虐，國人謗○王。邵公○告曰：『民不堪命○矣！』王怒，得衛巫，使監謗者，○以告則殺之。○國人莫敢言，道路以目。○王喜，告邵公曰：『吾能弭○謗矣，乃不敢言。』邵公曰：『是障○之也；防民之口，甚於防川，○川壅而潰，傷人必多，○民亦如之。是故爲川者決之使導，○爲民者宣之使言。』○

○厲王名胡，恭王之曾孫，夷王之子。

○謗，誹也。

○邵公，邵康公之孫，穆公虎也。爲王之卿士。

○

言民不堪其暴虐之政令也。

○衛巫，衛國之巫也。以巫有神靈，有謗者必知之，故使之監察也。

○

巫言謗王，王則殺之。

○言道路之人，不敢發言，以目相眄而已。

○弭，止也。

○障，防也。

○流者

曰川，言川猶不可防，而民之口又甚焉。

○言川之壅塞而潰決，必害於人也。

○爲治也，決去其壅

塞也，導通也；言治川者，去其壅塞，使通行也。

○宣，猶放也；觀民所言，以知得失也。

故天子聽政，使公卿至於列士獻詩，^①瞽獻曲，^②史獻書，^③師箴，^④瞽賦，^⑤矇誦，^⑥百工諫，^⑦庶人傳語，^⑧近臣盡規，^⑨親戚補察，^⑩瞽史教誨，^⑪耆艾修之，^⑫而後王斟酌焉。是以事行而不悖。^⑬

①列士上士也。獻詩以諷上也。

②瞽，音古（《×》，）無目曰瞽；樂師。曲樂曲也。（按：今本『曲』

皆作『典』，非是。）

③史，外史也。周禮：『外史掌三皇五帝之書。』

④師，少師也。箴，箴刺王闕，以

正得失也。內傳襄十四年：『工誦箴諫。』

⑤瞽，音叟（ム又，）無眸子曰瞽。賦，公卿列士所獻詩也。

⑥矇，音蒙（一ム，）有眸子而無見曰矇。矇，即今青盲。矇，主弦歌諷誦，以箴諫也。

⑦周禮冬官考

工記：『審曲面勢，以飭五材，以辨民器，謂之百工。』百工，執技以事上者也；諫者，執藝事以諫，謂若匠

師慶諫魯莊公丹楹——楹，音盈（一ム，）柱也——刻桷——桷，音角（ハ口正，）屋椽也——也。

⑧庶人卑賤，見時事得失，不得達於上，故傳語以聞於王也。

⑨近臣，謂如驂僕之屬也。盡規，盡其

規勸，以告於王也。

①補補過也。察察政也。傳曰：『自王以下，各有父兄子弟，以補察其過也。』

②

警樂太師也。史太史也。掌陰陽天時禮法之書，以相教誨者。

③耆艾師傅也。師傅修理警史之教，以

聞於王也。

④樹取也。酌行也。

⑤悖逆也。

民之有口，猶土之有山川也。財用於是乎出，①猶其原隰之有衍沃②也。衣食於是乎生，口之宣言也，善敗於是乎興。行善而備敗，③其所以阜④財用衣食者也。夫民，慮之於心而宣之於口，成而行之，胡可壅也。若壅其口，其與能幾何。』

⑤王不聽。於是國莫敢出言。⑥三年，乃流王於彘。⑦

①猶若也。言民人之有口，猶若土地之有山川。山川所以宣地氣而出財用，口亦宣人心而言其善敗也。

②廣平曰原，下濕曰隰。下平曰衍，有澆曰沃。

③行善而備敗，謂民所善者行之，民所敗者備之。

④阜厚也。

⑤與語助辭。能幾何，言不久也。

⑥明道本，此句皆作『國莫敢出言。』國下，似落一

『人』字。萬歷間刊本，皆作『國人莫敢出言。』意似較完美。
縣，屬河東，今山西霍縣。

④流放也。疑，音滯（虫），晉地，漢爲

晉文公既定襄王於郊

晉文公○既定襄王於郊。○王勞之以地，○辭，○請隧。○焉。王不許曰：『昔我先王之有天下也，規方千里，以爲甸服，○以供上帝山川百神之祀，○以備百姓兆民之用，以待不庭不虞之患，○其餘以均分公侯伯子男，○使各有寧宇，○以順及天地，無逢其災害。○先王豈有賴焉？○內官不過九御，○外官不過九品，○足以供給神祇，○而已。豈敢厭縱其耳目心腹，以亂百度？○亦唯是死生之服物采章，○以臨長百姓，而輕重布之，○王何異之有？○』

○文公獻公次子，名重耳。獻公嬖驪姬，殺其太子申生，重耳奔狄，在外十九年，假秦穆公之力，以歸晉。時年六十二，在位九年。○襄王，惠王之子，名鄭。後母弟叔帶，與戎翟謀伐王，翟人入周，王奔鄭，叔帶立爲王。晉文公納王入，遂誅叔帶。鄭音夾（H-Y），即內傳所稱王城，今河南洛陽縣附近，有鄭郛。

陌，或謂之邾山。內傳僖二十五年：『夏，四月，丁巳，王入于王城，取太叔——太叔，即叔帶——于溫，殺

之于隰城。』③勞，音牢（カム）慰也；王以文公勤勞，故賞之以地，即內傳與之陽樊溫原攢茅之

田。——陽，邑名，樊仲山父所居，故名陽樊；今河南濟源縣西南十五里，有曲陽城，亦稱陽城，古陽樊也。

溫，周畿內溫邑，明清時屬河南懷寧府，曰溫縣，後屬河南河北道，原，即今河南濟源縣。攢茅，今河南修

武縣，有攢茅城，即此也。④辭不受也。⑤隄，音途（ズノ）開地通路曰隄，天子之葬禮也。諸侯

皆縣——同懸——柩而下。⑥規，規畫而有之也。甸服已解見穆王將征犬戎篇。⑦以供，謂以其

職貢，供王之祭也。上帝謂天神五帝也。——五帝，皆神名；蒼帝名靈威仰，赤帝名赤熛怒，黃帝名含樞

紐，白帝名白招拒，黑帝名叶光紀。——山川，謂河，海，五嶽也。——五嶽，即中嶽嵩山，東嶽泰山，西嶽華

山，南嶽衡山，北嶽恆山。——百神，丘陵墳衍之神也。⑧百姓，百官有世功者，用財用也。庭直，也不直，

猶言無道之事也。虞度，也不度，謂未嘗揣度而至之患也。⑨其餘，謂甸服之外地，則以之平均分賜

與公，侯，伯，子，男也。周禮：『公之地，方五百里，侯四百里，伯三百里，子二百里，男一百里。』——公，侯，伯

子，男，古時諸侯爵位之等級。⑩寧安，也，字居也；言使其各有安寧之居處也。⑪順及天地，謂順天

地尊卑之義也。災害言若相侵犯，則有災害也。⑤賴利也，言先王亦無所利於此，皆均分諸侯也。

⑥九御卽九嬪也。——嬪，音賓（文一），婦官也。周禮天官：『九嬪掌婦學之法。』⑦九品九卿

也。周禮：『內有九室，九嬪居之；外有九室，九卿朝焉。』⑧祇音奇（く一），地神也。言嬪與卿主祭

祀也。⑨賦或作『厭』，亦作『壓』，足也。耳目謂聲色玩好也。心腹謂飲食嗜欲也。百度謂凡百法

度也。⑩采章謂采色文章也。⑪長上聲（虫九），輕重布之謂貴賤各有等也。⑫言王本無異

於人，特此服物采章以爲等威耳。

今天降禍災於周室，余一人僅亦守府，①又不佞以勤叔父，②而班先王之
大物，以賞私德，③其叔父實應且憎，④以非余一人，⑤余一人豈敢有愛？先民有
言曰：「改玉改行。」⑥叔父若能光裕，⑦大德更姓改物，⑧以創制天下，自顯庸
也，⑨而縮取備物，⑩以鎮撫百姓，余一人其流辟於裔土，何辭之與有？⑪若由是
姬姓也，⑫尙將列爲公侯，以復先王之職，大物其未可改也。⑬叔父其懋昭明德，

物將自至。⑤余敢何以私勞，變前之大章，以忝天下。⑥其若先王與百姓何？⑦何政令之爲也！⑧若不然，叔父有地而隧焉。⑨余安能知之？⑩文公遂不敢請，受地而還。⑪

①僅猶劣也。府謂先王之府藏。

②倭，才也。故自稱不才曰不佞。勤勞也。天子稱九州之長同姓者曰

叔父。此叔父謂晉文公也。

③班分也。大物謂隧也。

④應猶受也。憎惡也。言晉文公雖當受此私賞，

猶將憎惡而非之也。

⑤謂且非我一人不願此私賞也。

⑥玉佩玉，所以節行步也。古時之人，身必

佩玉。然君臣上下所佩之玉，其形色皆不相同。禮玉藻：『天子佩白玉，公侯佩山玄玉，大夫佩水蒼玉，

世子佩瑜玉，士佩璆玖。』改玉改行，謂君臣尊卑遲速有節，服其服則行其禮。以言晉侯尚在臣位不

宜有隧也。

⑦光廣也。裕寬也。

⑧更姓易姓也。改物改正朔，易服色也。

⑨創造也。庸用也。謂爲天

子創造制度，自顯用於天下。

⑩縮引也。備物隧之屬也。

⑪流放也。言將避於荒裔之地，何復陳辭

之有也。

⑫由通『猶』，言文公若未更姓而王，猶屬姬姓也。

⑬言文公若尚在公侯之位，將成霸